

Broj: 01-02.1-10876-6/24

Datum: 06.08.2025.godine

Na osnovu člana 70. Zakona o javnim nabavkama ("Službeni glasnik BiH", broj 39/14, 59/22, 50/24) i Pravilnika o javnim nabavkama JP Ceste Federacije BiH d.o.o. Sarajevo, i u skladu sa preporukom Komisije za nabavke Uprava d o n o s i

ODLUKU

o dodjeli ugovora za nabavku radova Izgradnja Južne obilaznice Mostara, dionica Miljkovići-Rodoč veza na M17, poddionica tunel Novi (P305a) – čvor Rodoč (P386) sa izgradnjom privremene veze na postojeću lokalnu cestu, ponuđaču GP: HP INVESTING d.o.o. Mostar, Putovi d.o.o. Grude i EURO-ASFALT d.o.o. Sarajevo.

I

Na osnovu odluke o pokretanju postupka javne nabavke predmetnih radova proveden je otvoreni postupak nabavke. Obavještenje o nabavci je objavljeno na portalu javnih nabavki 12.12.2024. g. br. 260-1-3-326-3-480/24, zatim su objavljene Ispravka 31.12.2024. g. br. 260-1-3-326-8-510/24, Ispravka 18.06.2025. g. br. 260-1-3-326-8-177/25 i Ispravka 07.07.2025. g. br. 260-1-3-326-8-210/25. Izvršeno je prikupljanje, otvaranje, analiza i ocjena ponuda.

Do utvrđenog roka dostavljene su 2 (dvije) ponude koje je Komisija na otvorenom sastanku otvorila dana 21.07.2025.godine u 12.15 sati:

- | | | |
|----|--|--|
| 1. | HERING d.d. Široki Brijeg | 27.552.460,23 KM bez PDV-a
32.236.378,47 KM sa PDV-om |
| 2. | GP: HP INVESTING d.o.o. Mostar,
PUTOVI d.o.o. Grude i
EURO-ASFALT d.o.o. Sarajevo, | 27.727.911,90 KM bez PDV-a
32.441.656,92 KM sa PDV-om |

Komisija je u skladu sa Tenderskom dokumentacijom pregledala ponude sa aspekta kompletnosti i kvalificiranosti te utvrdila da ponuda ponuđača HERING nije prihvatljiva jer ponuđač ne ispunjava kvalifikacione uslove tražene tenderskom dokumentacijom – tačka 15. tehnička i profesionalna sposobnost, podtačka 15.1, stav b) kojom je traženo da ponuđač osigura: *'Asfaltnu bazu minimalnog kapaciteta 100 t/h udaljena od mjesta izvođenja radova prema uslovima datim u Smjernicama (Sarajevo/Banja Luka 2005.) – ne starija od 15 godina, set 1.'*

Uvidom u ponudu broj: 2960-12 od 21.7.2025. godine, utvrđeno je da je u dostavljenom obrascu 6c – Glavna tehnička oprema ponuđača predložena za izvođenje radova, na strani 339. ponude, broj 45. navedena Asfaltna baza minimalnog kapaciteta 100 t/h udaljena od mjesta izvođenja radova prema uslovima datim u Smjernicama (Sarajevo/Banja Luka 2005.) tip Bernardi 1500 CEM, kapaciteta 120t/h sa godinom proizvodnje 1998. godina. Za predmetnu bazu dostavljena je, a kako je traženo tenderskom dokumentacijom, *Upotrebna dozvola*, strana 360. ponude, u kojoj je u tehničkim karakteristikama navedeno da je godina proizvodnje 1998. godina.

Shodno dostavljenim dokazima evidentno je da ponuđena Asfaltna baza ne ispunjava uslov tražen tenderskom dokumentacijom da asfaltna baza nije starija od 15 godina a obzirom na navedenu godinu proizvodnje 1998. god. Dakle, tenderskom dokumentacijom je traženo da baza nije starija od 15 godina a u ponudi je navedena baza čija je starost 27 godina.

JP CESTE FEDERACIJE BIH

Komisija je konstatovala da je ponuda drugog ponuđača, Grupa ponuđača: HP INVESTING d.o.o. Mostar, PUTOVI d.o.o. Grude i EURO-ASFALT d.o.o. Sarajevo kompletna, te da zadovoljava kriterije tražene tenderskom dokumentacijom i da je u okviru budžeta. Izvršena je računska kontrola ponuđenih cijena u prihvatljivoj ponudi i utvrđeno je da nema računskih greški.

U skladu s članom 4. stav 2. Pravilnika o uslovima i načinu korištenja e-aukcije, Komisija je konstatovala da se e-aukcija ne može zakazati.

Ponuđač GP: HP INVESTING d.o.o. Mostar, PUTOVI d.o.o. Grude i EUROASFALT d.o.o. Sarajevo je dužan u skladu sa zahtjevima iz tenderske dokumentacije dostaviti originale ili ovjerene kopije dokumenata iz člana 45.stav (2) Zakona o javnim nabavkama za sve članove grupe ponuđača.

Cijeneći navedeno, Uprava donosi odluku kao u dispozitivu.

II

Po pravomoćnosti Odluke o dodjeli ugovora, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

Pravna pouka:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Ljubo Pravdić, v.d. direktora

